

Rapela ditshepiso tsa Modimo

'Metsamao e megolo ya Modimo e ka bonwa mo setshwantshong se se khubamang.' (D.L. Moody)

'Tiro e nngwe le engwe ya Modimo e ka bonwa mo sebopegong se se khubamang.; ;Ema mo tshepising Modimo o tla go fitlhela teng.' (D.L. Moody)

'Gonne le fa go ka nna dipolelelo-pele tsa Modimo di le kae, di Ee mo go ene; ke ka moo re reng Amen ka ene go kgalaletsa Modimo.' (2 Bakor 1:20) Buisa temana e sentle. Ditshepiso tsoitlhe ke Ee mo go Keresete, fela di tshwanetse go nna amen ka rona. Amen, o kaya "Ke nnete le boammaaruri." Re tshwanetse go tsaya Modimo ka Lefoko la gagwe gonne Lefoko la gagwe ke nnete le boammaaruri, mme re tshawanetse go diragatsa ditshepiso tse ka tumelo fa re rapela. Re tlaleletsa ka Amen matshelong a rona ka gonne ditshepiso ga di kae sepe fa re sa di tseye ka gapeletso.

Go ya ka Everet E Storms (1) Go na le ditshepiso di le **7959 tse di dirilweng ke Modimo mo Lokwalong lo lo Boitshepo**. Fa re ka dirisa tshepiso e le nngwe ka letsatsi go ka re tsaya mengwaga e le masome-amabedi-le-bobedi go dirisa nngwe ya ditshepiso ka gale. Kalebe o tshetse mengwaga e le masome-amane ka tshepiso e le nngwe. Re ka tshela menwaga e le me kae ka ditshepiso di le 7959?

Armin Gesswein o rile: **'Ditshepiso di naganela dikarabo tsa dithapelo**. Ke medungwana e re tshelang dithapelo tsa rona mo go ona. Di re botsa gore le lete eng. Di bopa dithapelo tsa rona. Di a rotloetsa, di a botsha e be di re akanyetse boitshwarelo. Se se dira gore thapelo ya Mokeresete e be le paphang. Jaang? Go bua nnete re rapela go tswa mo karabong... le karabo mo tlhologanyong... go tswa karabong go ya kwa go yona. E ke tsela ya Morena, tsela ya tumelo. O a tshetse – re a dumela. Re dira mo Lefokong la gagwe. Dithapelo tse di arabilweng ga di re kgotsotfatse fela, mme di itumedisa pelo ya Modimo ka gobo a diragaditse Lefoko la gagwe. Mme se ke selo se se mosola ka Modimo.'

Re tshwanetse go ya kwa Modimong ka ditshepiso tsa gagwe. Fa re rapelela tsoseletso kgotsa pholoso ya motho re tshwanetse go lebelela thato ya Modimo mo Lokwalong lo lo Boitshepo mme re bo re lebelela tshepiso ka ga seo. Ema mo ditshepising tseo, oketsa ka amen mo ditshepising. Mo go Jer 33:19-27 Morena o bolelela Dafita gore ditshepiso tsa gagwe di tsetsepetse jaaka tlhabe ya letsatsi le bosigo. *'Fa lo ka roba kgolagano e ke e dirileng le letsatsi, le kgolagano e ke e dirileng le bosigo, bosigo le motshegare di sa tlhole di le teng ka nako ya tsona, foo kgolagano ya me le Dafita, motlhanka wa me le yona e tla robiwa...'* Lebelela gore e reng mo Num 23:19 *'Modimo ga se motho mo o ka akang, le eseng morwa motho mo o ka ikwatlhayang. A o kile wa bua sengwe, mme wa seka wa se dira? Kampo a o ka solofetsa sengwe, mme wa seka wa se dirafatsa?'*

Go tlotlomatsa mogopolo o sentle re tla nopola se se latelang. Nopolo e tswa mo letlakaleng la sekolo sa thapelo sa Armin Gesswein, bosupi ka Armin Gesswein jwa gagwe. *'Phetogo mo*

monaganong: Pele mo tirelong ke (Armin Gesswein) ile ka ba le thuto e e ileng ya fetola tlhaganyo ya me ka thapelo. Ya ba phetogo! Ke ile ka biletswa go simolola dikereke, mme ka fitlhelela 'kopano ya nnete ya thapelo' mo Ditiro. Ka simolola kopano e, ya thapelo – ya ntlha ya gore ke e tsene.

Bosigo bongwe ga tsena Momethodiste wa mogolo. Fa a rapela ka utlwa sengwe se sentšhwa. 'Ke ne ke ise ke utlwe thapelo ya mofuta o, pele.' Ka nagana. Ga se maikutlo ke ne ke na le seo thata. Lefatshe le legodimo ga di a arogana thata, sentle sentle re tsamaya mmogo. Ka gopola gore e gatisitswe. Mowa o kgalalelang o ne o le teng mo, ka tiro o o neng o mo naya netefatso fa a ntse a rapela. Fa tiro o o neng o mo naya netefatso fa a ntse a rapela. Fa ke rapela Modimo e ne e le 'go ya kwa mme ke utlwelele ke le kgakalanyana. Karabo le yona e le kgakanyana, e sa fitlhe.

Phitlhelelo! Ka go batla go ithuta sephiri sa thapelo ya gagwe letsatsi lengwe ka ya go mmona. Leina la gagwe e ne e le Ambrose Whaley fela mongwe le mongwe o ne a mmita 'Malome Am.' E ne le modira-ka-tshipi yo o ikhuditseng, e bile e le moruti wa momethodiste. Ka fitlha maemong a: 'Malome Am, ke rata go rapela le wena.' Ka bongwe fela, a ema a nkisa ka kgorwana e e yang kwa ntlwaneng e e bayang bojang jwa phulo, ra namelela go ya mo mafulong a, a beilweng! Mo mafulong a, a kgale go beilwe di – Beibele tse pedi tse kgolo – e nngwe e butswa. Ke eng se? Ka ipotsa. Ke gopola ke ile ka rapela pele. Ka tsholola pelo ya me, ditlhoko, merwalo, dikeletso, dikgatlhego, le go lakatsa go Modimo. A bo a rapela – mme ka utlwa 'pharologano ele' gape. Mo mafulong a le, mangweleng a rona, re lebelelane, ka botsisa: 'Malome Am, ke eng? O na le sephiri se se rileng thapelong. A o ka mpoletlela gore ke eng?'

Ke ne ke le 24 a le 73 (a tshela 93) ka leitho la ntsu la tebo a re: 'Mošwa, ithute go seka ditshepiso tsa Modimo!' Seo sa diragala. Thapelo ya me ya se tlhole e ba ya metlheng. Lefoko la fetola mogopolo wa me ka thapelo. Ka fetoga tota. Ka e bona fela fa a sena go mpoletlela. Jaanong? Fa ke simolola go rapela ga nna le maikutlo a a tseneletseng, dikgatlhego, jalo-jalo.)Morena ga a beye mogwaso mo dilong tse.) Ka tlhoka tumelo. Thapelo ke senotlelo sa le godimo, fela tumelo e bula majako. Go tshwanetse gore go nne le tumelo. Seo se tswa kae? Mo go utlweleleng... Lefoko la Modimo. Malome Am o ne a seka Lokwalo ka Lokwalo, a mo gopotsa tshepiso ka tshepiso jaaka mmueledi a seka kgetsisi. Mowa o o kgalaleng wa netefatsa fa o utlwa. Monna yo, o ne a itse ditshepiso, 'ka di-bushele? O ne a sa tlhoke di-Beibele tse mo mafulong a! Ka pele ka ithuta gore ke morapeledi yo o popota. A rapela 'ka thelelo.' A rapela a beile Beibele jaaka mo a agile dithapelo tsa gagwe. A nthuta botshelo jwa go rapelela. Ga ke itse gore nka leboga Modimo jaang go ntlisa mo lesoleng le la thapelo! Go diregileng? Ka phitlhelelo e, Modimo a neya Beibele e ntšhwa! Ke ne ke ise ke ithute go dira Beibele buka ya me ya go rapela. Ya neya diphetogo tse dintšhwa ka go ithuta Beibele. Ka simolola 'go epa.' Ka batla makwalo...go nagana...ke thalela ditshepiso... ka ikgakolosa, ikgakolosa, ikgakolosa! Go na le ditshepiso di le dikete, tshepiso ya tlhoko e ngwe le engwe, morwalo, bothata le maemo.

‘Lekau le leša, ithute go seka ditshepiso le Modimo!’

Mafoko a, a tswelela go dira mo moweng wa me!

Dikeletso tse di kgonagalang fa o dirisa ditshepiso tsa Modimo mo thapelong:

Boleng jwa Modimo bo ipontsha mo ditshepising tsa one: Ditshepiso tsa one ga di kake tsa arogangwa le boleng jwa one. Fa Morena a dira tshepiso, o a ipofa mo thepising. Tshepiso e nngwe le engwe e tsamaelana le boleng jwa one. Fa Modimo a ne a sa diragatse ditshepiso tsa one, o ne a tla be a itlatlanya le boleng jwa one _ mme se se ne se ka se diragale.

Ditshepiso tsa Modimo di itlhagisa ka ditsela tse pedi. Santlha_ ditshepiso tsa Modimo di ikaegile mo **Leineng la Modimo Rara, le Morwa, le Mowa** o kgalalelang. Leina lengwe le lengwe la Modimo le naya pontsho ka boleng jwa Modimo ka jalo leina lengwe le lengwe la Modimo le kaya tshepiso ka bolona. Mokgwa o mongwe o re itseng ditshepiso ke ka go buisa Lefoko, le go tsaya dintlha ka ditshepiso tse Modimo a di dirang mo Makwalong ka mabaka a fetafetanang.

Ditshepiso tsa Beibele ke mafoko a Modimo mo go rona mo mabakeng a rileng. Se, ga se reye gore ditshepiso ga di diragale mo mabakeng a otlhe. Babalela tiro ya Mowa o kgalalelang mo botshelong jwa gago, gore o gone go utlwa se o batlang go se bua mo mabakeng a a farologaneng.

Bogolo botona le mosola wa morapeledi ke go batla thato ya Modimo mo mabakeng a a rileng. Batla lefoko mo Modimong la, kgotsa mo lebakeng leo, mme fa o le fitlhelletse, sala Morena morago mme o mo solofele. Go sa kgapeletse gore o kopana le diganetso dife.

Fa o iphitlhela mo maemong a boima, ikaege ka ditshepiso mo Lefokong. Leka ditshepiso tse mo dikgarakgatshegong jaaka, Baroma 6, Joh 15, Pes 46:11, Tshen 12:11 le Baroman 8:32-39. Ka gonne mabaka a farologane le ntwaga ya Diabolo e tswa dikarolong tse farologaneng ka nako e nngwe le engwe, go mosola go itse gore ditshepiso tse di farologaneng ke tsa mabaka a a farologaneng. Tshepiso e le nngwe ga se ya mabaka a otlhe. Se se raya gore Modimo o ka bo o ntse o re neile tshepiso e le nngwe fela. Beibele e na le ditshepiso di feta 7000.

Fa ke rapela go ya ka ditshepiso tsa Modimo, ke tota ke raya gore: ‘Morena, a gonne go ya ka moo o buang.’ Fa a e le gore mo thapelong ya me ke kaya fela palo ya dikopo tsa me fa pele ga Morena kwa ntle ga go mo kgopotsa ditsholofetso tsa one, go tshwana le fa ke re: ‘Morena, a go nne go ya ka mo ke buang.’ Go na le tshepiso mo lebakeng le lengwe le le lengwe. Go fetisisa, Modimo o mogolo, o botleng go gaisa ditshepiso tsa One, e bile o mogolo go gaisa lebaka le lengwe le le lengwe le le tswelelang. Tshela o na le kitso e.

Sega mola ka fa tlase mo ditshepising tse o di fitlhelang ka nako ya gago ya ka metlha ya tidimalo. Di ele tlhoko sentle (nagana) mme o leke go batlisisa dikarolo tsa botshelo jwa gago-thata botshelo jwa thapelo ya gago mo ditshepiso tse, di dirang. **Ithute go tshela ka ditshepiso tse.**

Nako e nngwe re iphitlhela re le mo maemong a a boima moo re sa tlhologanyeng gore Modimo o dira eng kgotsa ke ka ntlha ya eng a dira kgotsa a dumelela dilo tse dingwe. Mo maemong ao o atle o ikutlwe e kete ditshepiso tse, ga di dire. Fa o ikutlwa ka tsela e, dira se sengwe ka bonako. Ela bothata tlhoko ka tsela ya Modimo. Leba bothata ka matlho a Modimo, go tswa legodimong, godimo, mme o tla bona bothata ka tsela e nngwe. Jaaka batho, re bona mathata a magolo, dikotsi le ditshotlo. Modimo o kgatlhantsha bothata ka matla, go itse tsotlhe le ka go bona tsotlhe, Nako e nngwe go a thusa go itse gore le fa ke sa itse go siamisa bothata jo, e bile ke sa tlhologanye gore go diragala eng, Modimo o a itse. Modimo o a itse gore o nkisa kae.

Fa o rapela ditshepiso tsa Modimo, di rapele ka Leina la Jesu Keresete. Ge fela re rapela ka Leina la Jesu re na le sebeela gore Modimo o a utlwa fa re eme mo ditshepising tsa ona. Ke fela ka ntlha ya loso lwa Morena Jesu mo koteng le poelano ka madi gore tshepiso ya Modimo e dire.

Tshitshinyo e e bonagalang: Tsaya pene mme o thale mola ka ditshepiso tse o kopanang le tsona fa o ntse o buisa Beibele. Se se tla sedimosa ditshepiso mme tsa go direla bonolo go boela kwa go tsona fa o rapela.

Ditshepiso tsa ditlhoke go tse di farologaneng:

Modimo o tshola ditshepiso tsa one – Modimo ga se motho mo o ka akang, le e seng morwa motho mo o ka ikwatlhayang. (Num 23:19, Baheb 10:23, Pes 89:34-36, Jes 30:18)

Modimo o utlwelela dithapelo tsa rona – gonne matlho a Morena a lebile basiami, ditsebe tsa gagwe di reeditse merapelo ya bone. (1 Pet 3:12, Pes 34:17, 1 Joh 5:14, 2 Ditiraf 16:9, Pes 4:4, Pes 102:17)

Modimo o araba dithapelo tsa rona – ke tla ba araba ba ise ba bitse, ke tla ba utlwa ba sa ntse ba bua (Jes 65:24, Jer 33:3, Mar 11:24, Joh 16:24, Joh 15:7, Jes 58:9, Baef 3:20, Math 7:7)

Ditshepiso ka pholoso – Kana Modimo ga o a roma Morwa – ona mo lefatsheng gore a athhole lefatshe mme e le gore lefatshe le pholosiwe ka ene (Joh 3:17, Baroma 10:9-10,13, Baef 2:8-9, 1 Tim 2:3-4, Baheb 6:18)

Ditshepiso ka botshelo jo bosha – Ka moo he, fa motho a le mo go Keresete, o a bo a le sebopiwa se sešwa; dilo tsa bogologolo di fetile, bonang di ntšhwafetse tsotlhe. (2 Bakor 5:17, Joh 10:10, 1 Pet 2:24, Bagal 2:20, Baroma 6:4, 1 Joh 3:9, 2 Bakor 3:18, Hes 36:36)

Ditshepiso tsa tokologo – Lo tla itse boammaruri, mme boammaaruri bo tla lo kgolola (Joh 8:32, Baroma 6:14, 22, Baroma 8:1-2, 2 Bakor 3:17, Dit 13:38)

Ditshepiso tsa boitshwarelo – mme fa re ipobola maleo a rona, ona o boikanyo le tshiamo go re itshwarela maleo le go re itshekisa tshiamololo yotlhe (1 Joh 1:9, Pes 32:1-2, Jes 43:25, Pes 103:12, 1 Joh 2:12, Baef 1:7, Baroma 8:33)

Ditshepiso tsa tshiamo – Gonne Keresete yo o neng a sa itse boleo, Modimo o mo dirile boleo ka ntlha ya rona gore re nne basiami fa pele ga ona ka ene (2Bakor 5:21, Baroma 8:10, 1 Bakor 1:30, Baroma 4:4-5, Baroma 5:17)

Ditshepiso ka Mowa o kgalalelang – Jaanong, fa lona ba lo leng bosula, lo itse go naya bana ba lona dineo tse di molemo, kana Raeno wa legodimo o tla naya bone ba ba mo kopang Mowa o o Boitshepo bogolo jang! (Luka 11:13, Jes 44:3, Joh 14:16-17, Joh 16:7, Dit 1:8, Dit 2:33-39, Bagal 4:6, Bagal 3:14, 1 Joh 4:13, Math 3:11, Hez 36:27, Baef 1:13)

Ditshepiso ka tumelo mo Modimong – Mme a akanye...go nna tekano ka fa tumelong e Modimo o e lekanyeditseng mongwe le mongwe (Baroma 12:3, Baef 2:8, Baheb 11:6, Jak 1:3, 1 Pet 1:7, Baroma 1:17, 1 Joh 5:4, Math 9:23, Baef 6:16, Joh 20:29, Math 21:21-22, Joh 16:24)

Ditshepiso ka lefoko – Lokwalo longwe le longwe lo lo kwadilweng ka tlotlhetso ya Modimo le Molemo go ruta le go kgalema le go sokolola le go godisa mo tshiamong, gore motho wa Modimo a nne boitekanelo, e nne yo o etleetsegetseng tiro nngwe le nngwe e e siameng ka botlalo (2 Tim 3:16-17, 1 Pet 1:25, Jes 40:8, Math 4:4, Doit 29:29, Još 1:8, Jes 55:11, Baheb 4:12)

Ditshepiso ka tshireletso go yo bosula – (2 Bathes 3:3, 2 Tim 4:18, Bakol 1:13, Bakol 2:15, 1 Joh 5:18, Baroma 8:38-39, Pes 91:9-13, Baheb 2:14-15)

Ditshepiso ka go ba teng ga gagwe – mme itseng, nna ke na le lona ka malatsi otlhe go ya bokhutlong jwa lefatshe (Matt 28:20, Jes 43:5, Jak 4:8, Joh 14:15-16, Math 18:20, Pes 23:4, Baheb 13:5)

Ditshepiso ka kgolo semoweng – Ke ikanya gore yo o simolotseng tiro e e molemo mo go lona o tla e tswetsa go ya a e fetsa ka letsatsi la ga Jesu Keresete (Bafil 1:6, Joh 17:18-19, 2 Pet 1:3-4, 2 Bakor 3:18, 1 Bakor 1:8, Baef 3:17-19, Bafil 1:9-10)

Ditshepiso ka dineo tsa mowa – Gonne dineo tsa bopelotlhomogi le pitso ya Modimo ga di dirololwe. (Baroma 11:29, Baroma 12:5-8)

Ditshepiso ka boammaaruri – 'E tla re Mogomotsi a sena go tla, yo ke tla mo lo romelang, a tswa mo go Rara, e bong Mowa wa boammaaruri, o o tswang kwa go Rara, o supe ka ga me.' (Joh 15:26, Joh 8:31-32, Joh 16:3, Baef 5:9)

Ditshepiso ka lerato la Modimo – Mme Modimo o supile lorato lo o re ratileng ka lone, ka Keresete, a re swetse, re ntse re le baleofi (Baroma 5:8, Jer 31:3, Jes 54:10, 1 Joh 4:9-10, Joh 15:9, 1 Joh 3:1)

Ditshepiso ka boitumelo – Dilo tse ke di buile le lona gore boitumelo jwa me bo nne mo go lona, le gore boitumelo jwa lona bo tlale – Joh 15:11, Pes 16:11, Baroma 14:17, Jes 55:12, Jes 35:10)

Ditshepiso ka kagiso ya Modimo – Mme ene o pholeditswe ka ntlha ya maleo a rona, a teketelwa maleo a rona. Petso ya mo wela gore rona re bone kagiso. Mme re fodisitswe ka dintho tsa gagwe. (Jes 53:5, Joh 14:27, Baroma 5:1, Bafil 4:7, Baroma 5:22)

Ditshepiso ka tsholofelo ya Mokeresete – kana tsotlhe tse di kwadilweng pele di kwaletse go re ruta gore re tle re nne le tsholofelo ka go tshwarelela le ka go kgothadiwa ke Dikwalo. (Baroma 15:4, Bakol 1:27, 1 Pet 1:3, Baheb 6:18-19, Baroma 5:2, Baroma 15:13)

Ditshepiso ka botshelo jo bo sa khutleng – Gonne Modimo o ratile lefatshe mo go kalo, mo o bileng wa le neela Morwaa – ona yo o tsetsweng a le esi, gore mongwe le mongwe yo o dumelang mo go ene a se ka a latlhega, mme a nne le botshelo jo bo sa khutleng (Joh 3:16, 1 Joh 2:25, Baroma 6:23, Joh 10:27-28, Joh 5:24, 1 Joh 5:11-13)

Ditshepiso ka go tla lwa bobedi ga Keresete – ‘Mo ntlong ya ga Rre go na le maago a le mantsi. Go seng jalo, nkabo ke lo boletse, gonne ke ya go lo baakanyetsa manno. Mme e tla re ke sena go ya le go lo baakanyetsa manno, ke boe ke lo itseele gore kwa ke leng teng, le lona lo nne teng.’ (Joh 14:2-3, Joh 14:28, Dit 1:11, 1 Bathes 4:16-17, Bakol 3:4, Baheb 9:28, Tshen 1:7)

Ditshepiso ka legodimo – Ka ba ka bona motse o o boitshepo wa Jerusalema o mošwa o fologa kwa legodimong, o tswa kwa Modimong, o etleetsegile jaaka monyadiwa yo o kgabetseng monna wa gagwe. Jaanong ka utlwa lentswe le legolo le tswa sedulong sa bogosi le re: ‘Bona, boago jwa Modimo bo mo bathong! O tla aga nabo, bona e tla nna batho ba one, mme Modimo ka osi o tla nna nabo.’ (Tshen 21:2-3, 1 Pet 1:4-5, 2 Pet 1:10-11, 2 Pet 3:13, Luka 23:43)

Modimo o tshepisa matla – O naya yo lapileng thata, a ntsifaletsa yo o bokoa nonofo. (Jes 40:29, Pes 29:11, Jes 26:4, Neh 8:10, Baef 6:10, Bafil 4:13, Jes 58:11)

Re ka ikanya Modimo – Ga o na go boifa poitshego ya tshoganyetso, le fa e le tatlhego ya baikepie, fa e tla. Gonne ke Morena yo o mo ikanyang, o tla disa leoto la gago gore le se tshwarwe (Diane 3:25-26, Diane 14:26, Jes 30:15, 1 Joh 3:21, 1 Joh 5:14-15)

Modimo o solofetsa botlhale – Gonne motho yo o o kgatlang o mo naya botlhale, kitso le boitumelo. (Moreri 2:26, Diane 2:6-7, Diane 9:10, Jobe 12:13, Dan 2:20-22, 1 Bakor 1:30)

Morena o tla re ruta – Ba ba pelonolo o ba tsamaisa ka tshiamo, ba ba pelonolo o ba ruta tsela ya gagwe. (Pes 25:8-10, 12-14, Pes 32:8, 2 Tim 3:16-17, Diane 15:33)

Morena o tla re bontsha tsela – Fa lo fapogela mo ntlheng ya le le jang gongwe mo go ya la molema, ditsebe tsa lona di tla utlwa lentswe fa morago ga lona le le reng: ‘Tsela ke e, tsamaya mo go lona.’ (Jes 30:29, Pes 48:14, Pes 23:1,3, Pes 139:9-10)

Morena o tla re atlegisa – Ikanye Morena ka pelo yotlhe, mme o se ikaege ka tlhaloganyo ya gago. Mo gopole mo ditseleng tsotlhe tsa gago, mme ene o tla siamisa ditselana tsa gago. (Diane 3:5-6, Još 1:8, 2 Ditiraf 20:20, Diane 16:31, 2 Bakor 3:5, 1 Ditiraf 22:12-13)

Modimo o tla re kgomotsa – Go sego ba ba hutsafetseng; gonne ba tla gomodiwa. (Math 5:4, 2 Bakor 1:3-4, 2 Bathes 2:16-17, Jes 49:13, Joh 14:18)

Modimo o tla re naya dikeletso tsa dipelo tsa rona – A a go neye se pelo ya gago e se eletsang, a dirafatse maikaelelo otlhe a gago. (Pes 20:5, Pes 21:2, Diane 10:24, Pes 103:4-5, Mar 11:24)

Ditshepiso ka lelapa la modumedi – Morena o tshegofatsa lelapa la basiami. (Diane 3:33, Diane 12:7, Doit 12:28, Jes 54:13, Pes 112:1-3, Diane 22:6, Pes 128:1,3, Doit 4:40, Baef 6:2-3)

Ditshepiso ka maphelo le pholo – Mme re fodisitswe ka dintho tsa gagwe. (Jes 53:5, Jer 30:17, Doit 7:12, 15, Pes 91:5-6, 10, 3 Joh 1:2, Jer 33:6, Ekes 15:25-26, Pes103:3, Mal 4:2, 1 Pet 2:24, Jak 5:13-14, 16, Math 8:16-17)

Ditsholofetso ka tshireletso ya Modimo – Leina la Morena ke phemelo e e tiileng, mosiami o tshabela teng a sirelediwa (Diane 18:10, 1 Sam 2:9, Pes 125:1-2, Pes 91:3-4, 11-12, Pes 34:19-20, Pes 121:1-8, Diane 29:25)

Ditshepiso ka ditlhokego tse dibonalang/tshwaregang – Mme Modimo wa me o tla lo a bela tsotlhe tse lo di tlhokang ka fa khumong ya ona mo kgalalelong e e mo go Keresete Jesu. (Bafil 4:19, Math 6:25-26, 31-33, Doit 28:1, 11-12, Luka 12:30-31, Doit 29:9, Pes 111:5, Jes 1:19, Sag 10:1, Lef 26:3-5)

Ditshepiso mo nakong ya letshogo le pelaelo – Se boife gonne ke na nao, Se tlalelwe gonne ke Modimo wa gago! Ke a go tiisa, ee; ke a go thusa, ee; ke go tshegeditse ka letsogo’ (Jes 41:10, Jes 41:13, Jes 43:1, 1 Tim 1:7, Luka 12:6-7, 1 Joh 4:18, Baroma 4:21, Pes 113:7, Jes 58:9)

Ditshepiso ka nako ya khuduego – O obegetseng, mowa wa me, o huduegelang mo teng ga me? Solofela mo Modimong; gonne ke tla ba ke o leboga, ka e le ona thuso ya sefatlhego sa me le Modimo wa me (Pes43:5, Pes 73:26, Pes 37:23-24, Pes 34:4-7, Jes 49:15, Baheb 13:5)

Ka nako ya go palelelwa le go se thusege – ‘A di pelo tsa lona di se huduege; dumela mo Modimong, le nna le dumele mo go nna!’ (Joh 14:1, Jes 61:1-3, Pes 147:3, Baroma 8:28, Jes 41:13, 2 Bakor 12:9, Baroma 8:26, Baheb 13:6, 1 Joh 4:4)

Ka nako ya tsielego – Fa Modimo o apesa jalo bojang jwa naga, jo bo leng teng kajeno, mme ka moso bo latlhelwa mo leisong, a ga o kitla o lo apesa bogolo lona ba tumelo e potlana? Ka moo se tshwenyegeleng letsatsi la ka moso; gonne la ka moso le tla itshwenyegela ka losi. (Math 6:30, 34, Babil 4:6-7, Luka 12:25-26, 1 Pet 5:6-7, Bagal 5:1, Math 11:28-30)

Ditshepiso ka nako ya diketeko le dintwa tsa matemona – Lona ga lo ise lo tshwarwe ke thaelo epe e e ka palelwang motho. Mme Modimo o boikanyo o o se kitlang o lo lesa lwa raelwa mo go fetang thata ya lona, mme o tla lo direla phatlha mo thaelong gore lo kgone go itshokela. (1 Bakor 10:13, 2 Pet 2:7-9, Baheb 4:14-16, 1 Bathes 5:22-24, Jak 4:7, Bagal 1:3-4, Baroma 16:20, Joh 16:33, 1 Joh 4:4)

Ditshepiso ka tshotlo, mathata le dintwa tsa batho – Thuso ya basiami e tswa go Morena; ke ene botshabelo jwa bona mo motlheng wa tlalelo. Morena o a thusa, a ba namolele, o ba namolela mo baikeping, a ba pholose, ka ba mo ikanya. (Pes 37:39-40, Jak 1:12, Baroma 5:3, 1 Pet 4:7, Jer 15:21, Pes 27:1-2, 1 Pet 3:9, Baroma 8:31, Ekes 14:13-14, Math 5:10-12, Luka 21:12-15, Tshen 2:10)

Modimo o naya matla mo tirong ya Ona – Lefoko le ke la Morena le le rayang Serubabele le re: 'Ga se ka bonatla le eseng ka thata, mme ke ka Mowa wa me; go bua Morena wa mosomosomo. (Sag 4:6, Dit 1:8, Jes 40:31, Baef 6:13, Bafil 2:13, Baef 3:16, Bakol 1:11)

Ditshepiso ka madi le kabelo ya dithoto – Elang, magakabe tlhoko; ka gonne ga a jwale, ga a robe, le gona ga a na sefala, le fa e le ntlo ya polokelo, mme Modimo o a a otlala. Lona lo gaisa dinonyane segolo jang! (Luka 12:24, Bafil 4:19, Luka 11:9, Pes 84:11=12, Math 6:32, Pes 37:3, 25, Luka 12:30-31, Luka 6:38)